

四庫全書

經部

欽定四庫全書

易象正卷初下

明 黃道周 輯

歷年十二圖序

歷年十二圖何謂也言夫大象之歷年者也天道積於上人事漸於下衆積而神漸久而天故百年之歷可以觀智千年之歷可以觀聖也乾坤一歷百三十五年中於天地以爲主柄屯蒙而下兩濟而上二千一百二十五年左右南北相間起也定者以定衡者以衡環者以環交者以交體用通實因而乘之四十八圖相追求也酌而舉之曰十有二夫以二千一百二十五年之事足其文獻研其

久象天地之教戒鬼神之情狀可謂備矣故春秋者天地之自修也詩者鬼神之吟詠歌嘯其事也詩與春秋通為文象以圖天地而人猶以為不備則是人之智大於天地也夫欲觀於易簡舉其始亂其惟環圖乎平桓之間經綸始興文素之業代為明王周襄而後齊晉乃霸宴樂作謀以匡天下簡景之際容畜親建雖先王者末迨於亂敬元貞定遞及四歷四歷十二王懿柔辨定近於虎尾故歷之與易以四相起夏冬之義於是而至矣泰否而下聖人所不親治也然而聖人皆治之裁成輔相則非貞定威烈之事斂德辟難亦非韓趙魏田之事也而聖人以此兩事者定進還之大計類族辨物遇惡揚善不謂衰世而廢上柄也安顯而下何觀焉謙輕豫怠其謂觀報之世乎八百之歷乃於此止嬴氏受之以帝天下衰多益寡殷薦上帝其謂是周秦之際乎此三季八王者聖人之所不

與也而猶與之治也以示百世故聖人者受天下之至也泰否缺四際再交嚮晦復明

及於缺秦室二王以迨漢祖上沛貞定為十二主故四際十二主天地所紀治亂也隨蠱泰否三姓之閒或滅或興往替而來隆往枯而來榮君子視之以為天地代謝聖人謂是宴息寢興要歸於振民有德而已漢憲而下暨於文武容保設教庶幾有焉武帝中年迨於昭宣王霸道雜以尚刑法孝元而下至於新室遂為剝復此三際者二百有四年判三十九年繫於前際安宅閉闔聖人所以保治之固也建武而後迨於明章茂對畜德庶幾有焉和陽安順是則頤養獨立之世也君子修道以治天下大之不能容保設教成臨觀之治次之不能茂對畜德猶兄妄大畜之業而課績於寢興攷德於言語飲食以為是裁成輔相不懼兄問者是聖人之所哀也冲憤而下是則坎離之會也坎


陷也離麗也陷而有所麗則必有異姓乘之而起
 矣曹魏之事是也此三際者二百有四年判三十
 九年繫於後際習坎繼明聖人所通變而起也自
 是而下則山澤風雷之治矣山澤之有龍蛇風雷
 之有災青聖人之所畏也曹氏四主與季漢共治
 季漢不滅司馬不帝虛受鼎立猶未及於經綸也
 晉太康而後則遼大壯之治也惡惡而克復則足
 以戒女甌足以戒女甌則足以戒強諸侯足以戒
 強諸侯則足以戒寇攘夷狄矣三代之甌至於晉
 而備有焉晉之有遼大壯晉明夷百三十七年備
 有三代之甌非遼明夷之足以甌晉也明德不昭
 而非禮則履之過也劉宋永初而後至於蕭齊之
 初政治修明在於北魏而臣弑其君子弑其父南
 北邇有也修德宥罪懲窒遷改自齊永明而下隋
 大業而上聖人先望焉耳先望而猶且治之謂是
 百世之道不在於數代也故自曹魏而後至於義

寧而降四百八年與漢相直七代三十六主缺
之君不在其科篡弑叛逆不可勝數也聖人猶不
忍以是輟明王之治蓋自夫姤革升困并革鼎終
始唐室而後天地之教戒深切明著也夫者亂之
始消也姤者女之始壯也缺而女主興禁門
之蹀血牝主之決事非易之教也而若易有此教
者唐人皆用之革之不虞升之高大景雲開元之
間是也困用致遠以出於扶風井用勸勞以綏於
河北革始於長慶而主元正終鼎盡於大順而祚
乃更始唐室四際二百七十三年發於央始斂於
革鼎天地之正限也天地為限聖人不違聖人立
教天地亦不能違之治歷明時正位凝命自堯咨
以來亦有豫策於唐昭朱溫之事乎宋溫之得為
長子李存勗之不得為長子則亦天也恐懼止思
君子於是致深戒焉耳蓋自建隆而後則漸交於
歸妹矣隨交於蠱泰漢始交漸交於歸妹而宋室

始立兩者曰月之大慝也居德知敝前宋數主亦庶乎有之也窮大而失居親寡而无容真仁神英之閒則亦未之及也而元豐倡說紹聖繼之訟獄繁興豫大自絕建中靖國之閒卒與永嘉建興同說故震艮陽也而男之闢出於中華一際之閒五姓十主吳兌陰也而女之闢出於外國中交之際兩喪其雄故衝圖之為坎離兩濟環圖之為震艮吳兌父母不御而男女絕轡天地之所畏也中孚小過之似坎離臨觀遯大壯之似震艮吳兌天地猶且畏之猶且畏之則必就聖人而問道享帝立廟議禮制度雖在顛沛不可廢也以為是先王之禮樂存焉可以立教可以立國過此以往則天地之事也以天地之事託於聖人聖人死所辭責則不敢復託於天地是十二圖之事也

六十四卦定序歷年圖第一

凡數卦皆以圓圖為準而又分乾坤何也乾坤定位而易行乎其中矣乾南坤北也從坤而左蒙從乾而右左以前歲序不可復攷存自春秋而後



除平末三年始自周桓王元年下建元末至正丁未
 歷三十一卦二千八十五年餘三百七月二分半蓋
 自桓王以前有平王五十二年幽王十一年併得六
 十三年尚四年在宣幽之間或東遷之始錯於坤除
 四年有餘史傳互殊莫之徵也今留坤
 除以識大端諸卷昭然以俟不惑云

凡舉體數皆以常基為準如一歲三百六十通易之數四千三百六十九大餘二十四中分三十二卦得二千一百八十四年餘百九十二日退一卦實歷二千一百十六年餘九十六日其通數也今定依歲實求之何也以周桓王壬戌起元至洪武丁未恰得二千八十五年三百七十七日強以三十一卦之歲實按之無有增損是天地之闔闢又象之表著也如以二千一百十六年餘九十日求之則上不盡洪武下不連建文餘革除之前後九年參幽平之五十九載適存一卦以還坤初更自乾終以交屯始而折木之元始開重華之業肇建亦仰觀之極思自然之締造也凡研幾者途非一端誠知者道或相反二千八十六年之後成敗得失取券難齊然如厲宣而上文武而下約成五卦三百四十年乾坤兩間必有所取之矣然則國圖之設倚屯而蒙倚既濟而未濟逆數文武皆在巽兌渙節之際何也曰國圖與定位圖兩者相為


用也乾坤互起則位數適用故常以定位為體圖倚為用參於諸圖而義卷者衆矣

凡觀諸圖皆以圖圖為例其以南北左右不拘本卦逆循而上者即交圖也今不作交圖但以左右兩次附圖圖之內云

朱美之曰前卷定序歷年皆以左右分行三十卦得二千四十八年分上下經又以實歷之卦三十一週至甲辰龍興二千八十六年分為兩際今定序定位兩圖皆以圖圖為序始於屯蒙終於兩濟蓋以乾始之端代咸恒之位移鑒度之法歸象正之方所以崇德尊功尚開闢之乾坤等明兩於日月也

又六十四卦定位歷年圖第二

是猶之前圖也而次序始於春秋春秋以隱公為元不以桓王為元以隱公為元則三十一歷而抵於甲辰吳興之歲以桓王為元則三十一歷而抵於戊申洪武之元先後異紀而帝王殊系



故觀於己未壬戌兩紀而造化之與變元聖之極研出拔匪夷爆乎著矣定位圖不依圖序則乾屯之右問五卦履否在商周之間約武王至宣幽三百二十餘年加以文王甲身可三百六十年當帝位而不疚過此則否之未候矣乾坤之義互起合論其在南維亦猶是也


南維之猶是何也南維北發始於坤左之未濟二千
八十六年而交於乾初其後五卦當得小富猶坤右
之既濟左旋而交於乾初其後五卦當得天澤也倚
衡圖國互為參印其加三十四年而交於革除縮三
十四年而本於開創是則明周之終始天地之闢韞
焉耳常蕃之積平分天地二千一百八十四年餘百
九十二日以幽平五十九年加洪建三十四年配於
中間二千九十年為二千一百八十八年尚少一年
百九十二日天地之大數未可以秒忽量之也其上
下進退猶日月之薄蝕時候泛差間有之矣如建文
壬午七月十二日壬午不論氣朔以月甲分之正得
百九十二日其幽平之間或贏一年義不可知而大
數符契不繇傳會學者須知聖人錯心精微諦視數
千百年之內較如旦暮治亂盛衰一一繫之爻象非
如占卜之家徒察奇耦以臆眉睫而已也二圖皆依
四分歷用日法二千五百一卦之歲六十有七大餘

一百四日小餘二分五釐與各疏微別蓋各疏起分
五有縮縮其日餘二千一百三十四者特縮極之候
而二千五百者為四分之實祖冲之於四分內外盈
縮七十五秒以為斗差其實斗差一百五十六內外
盈縮當得七十八內分之縮極於二千四百二十二
外分之盈極於二千五百七十八是亦一法也

又如此圖不分乾坤上下但如卦序積之則既濟未
濟上抵乾坤前後五卦值於豐旅大抵剛柔樂憂與
求見雜起止盛衰左右分行則性徵異候得其意者
於陰陽嚮背思過半矣其逆數年歷亦與交圖同觀
考察盛衰各於
當限之中際

六十三體卦反對歷年圖第三

是常暮之歷也每運六十八年餘九十六日斷於周
幽王之元年樂弧其服適入水霜之際終於建文帝
之末造燕飛龍起復升析木之都中間
二千一百八十四年餘二百一十六日




庚申之距壬午二千一百八十三年又一年應於乾
策始入如始之會蓋癸未甲申通為開創之年革吳
鼎燕適交乾坤之界國觀對化上下一也易之有對
化起於用卦乾用為坤坤用為乾屯用為蒙蒙用為
革需為晉訟用為明夷師用為同人比用為大有小
畜用為豫履用為謙泰否隨蠱漸歸兩濟體可反

對適相與也猶之揲著者不數其左而數其右圖卜者不相其西而相其背屯蒙之即為鼎革需訟之即為晉明夷師比之即為同人大有履小畜之即為豫謙位不更易道可反照也下經之交於上經者六卦鼎革晉明夷遯大壯井困夬姤升萃幾殆矣而霸主匡持不失其所漢之得鼎革晉明夷幾殆矣而霸主匡持不失其所漢之得遯大壯井困夬姤升萃幾殆矣而明辟復起不改其物此六卦者鼎革井困皆不得父母而彊臣任事霸主任術功過所湊足以相準其不得父母而界於易姓者獨隨蠱耳上經之交於下經六卦臨觀觀需訟復大畜元妄貴噬嗑蒙屯幾殆矣而晉與唐受之晉之得臨觀需訟幾殆矣而江左偏師克攘勅敵唐之得剥復大畜元妄貴噬嗑蒙屯幾殆矣而顛覆間關五躡五起此六卦者臨觀需訟剥復大畜元貴皆獨有父母而外子身全遷國自建炮睢吹枯足以振緒其入交限而不與體交俱亂者獨漸歸妹耳故天地之

治宇宙與聖人之治宇宙均治也中卦分治始於幽王之初年春秋建元始於隱公之初載自幽王而計之通曆之運三十有二而吳會樹幟故仲尼所建之歲實之運三十有一而吳會樹幟故仲尼所建與天地所建均治也平王東遷之歲終於德祐二千四十四年桓王元春之始終於應昌二千八十六載合四者以觀而天建始亂槩可知矣

六十四卦對積歷年圖第四

是亦常暮之積也因其對化左右相起乾坤坎離頤大過中孚小過八命所呼不事反復則屯鼎蒙革需有訟夷離為視觀合為晝夜一面一背而絡合體體益可知矣兩卦分合各三十四年四十八日



以常暮之積四運而為一紀二百七十三年餘二十四日餘分之積又十六運而周於又次凡八運而天地分中壬辰為姑猶出居周室始潰乙丑為呂泰吞併六王乃殲戊戌為建武中身僅此興主庚辰為雄際餘灰白版始創癸丑為南國無君隋文坐大是前也丙戌為咸通七年燈焰將燭厥輝燦然已未為

金始通和舉宋從之缺
壬午為日月既出乃
迸燭火而燭宵夜是皆繼亂而作或盛或衰蓋自庚
辰衰晉類於姑猶癸丑隨文圻於呂政而建武無似
焉是於八運中分則必有取之矣晉元幾近如宋高
則不足錄也故易之為道終於既濟兩濟之與鼎革
匡持天地明時治歷與思慮豫防兩者湯武姬文所
共扶天地也古之為卦者以著當歷以爻為月以策
為日率三百六十策而合兩卦兩卦合策通三百六
十日損其五六以為朔虛益其五三以為氣盈故曰
乾策二百一十六坤策一百四十四乾坤兩策合得
暮日今猶是兩卦也約其百三十六半為六十八大
餘九十六日兩卦對分各三十四大餘四十八而章
節紀元以爻直月之說可以通舉也然為著以求卦
卦成而著不探為策以求爻爻成而策無據必如一
周之歲三百六十月兩卦之合不過六十年以六十
四乘之三千八百四十年中分一千九百二十亦足

以約畧興衰刊除缺而仲尼知其未盡以日當爻
斷自洪永之端照於隱桓之始爻本歲實運應天周
元聖所規
不可易也

然則體卦實數本六十年以辰當卦必以卦當日則
七百二十年以爻乘之整得四千三百二十年中分
二千一百六十歲月日辰各可相退而聖人不用之
何也曰是其恒數也曰恒數則通蓍之積四千三百
六十九何也曰是猶有納虛者存焉聖人之於道也
存之則彌細細之則彌還也存之而還十四細之而
還八十虛挹以讓天地亦得其實數焉止耳實日進
則虛歲退實日減則虛歲盈四千三百二十之中古
聖人有用之然而
聖人不貴也

三十九年三百三十八日是天地之全象參兩微渺
知一知十之所從究也凡圖皆圓倚互起左右三十
六其終於兩濟者皆起乾坤故體交之卦不盡東於
末限如六十四運之卦胡元運終究於兩漸而乾元
乘之以闢天地此其經終也其運歷未究又行四卦
二百六十九年浸於常基之內以與全歷相退雖在
七十二運之中常行七十三限而與春秋歷元相合
所謂春秋歷元者即以六乘七百二十九為四千三
百七十四者也凡體卦歲實之數四千三百六十六
一百四十五日半再加一運六十七年百四十二分
半則四千三百七十四年矣易之體卦妙於七十二
運作七十三週履端歸餘以還為進具用卦則整整
常基之內四千三百六十九餘二十四日不可易也
兩函之中通基之比歲實盈七十年二百三十六日
以半折之三十五年一百十八日為體卦經歲之餘
候觀於古今乾坤泰否隨蠱頤大過坎離六體四交

六百八十年間華夷臣主北壯雌雄不亂天常者百
無一二其厯乎過兩濟而晏然清夷者獨盛明而已
其法自以體卦為準終口元於既濟發昭籌於乾端
推其餘年以存鑒戒或逆數兩濟之年以迄暨此師
之會則一民五君未及腥穢不親不進无用啓
強義有未宣幾難強存尚存餘測稽之後圖云
然則諸圖秒忽前後參差不能程一何也曰日分所
餘有贏有縮有平有中猶之閏食不膠日月偶舉一
端足以相覆即如通曆之乘用卦有四千九百十五
年七十二日而但云整四千三百六十九者亦舉前
十圖統體而言非為
體用相乘而發也

鎮豪闊流巖驚搖至於鼎革故天下之亂曰常多治
曰常少聖人有以見其未必然常持之不壞及其不得
不壞亦如葉葉繁秋久而自落如貞定泰否之間是
也震艮坎離巽兌男女競遷一代之際四五易主譬
之家室父母不御而子姓雄長壯壯雌雄久亦且亂
故六子之有動不如乾坤之無靜也周明相麗御於
乾坤之端荀卿所謂兩大相生者也體卦次圖以魏
黃初元年入咸則壞愍當遯上下經位亦自炯然然
晉當泰始之後唐自貞觀之前三百六十年間南北
稱號朝狼暮兕咸遯晉嘉之際未足明其消決也凡
易道乘疊如天之有層布定衡倚圖一南一北聖人
繫而括之曰乾坤屯蒙需訟師比益已兼南北而為
言包陰陽之分次賢者但循而登之語圖則坎離之
屬咸恒上下通經語位則咸恒之抵乾坤兩濟通絡
二端而已必欲綜其異微交以密緯則上下十圖皆
可參治要不能舍歲實通暮之年以增損入運之數

使春秋之元無所頂抵洪建之間失其涯際也其有
七十二自相乘與六十四七十二互相乘者運限參
差每以體用之序為
積可觸類而長矣

每限七十五年餘二百六十五日以二十七限稽之
實歷二千四十三年餘三百三十七日其前餘幽平
至桓甲子六十五年為乾坤前際約差二載界於宣
幽冥不算外後餘泰定丁卯至廓清之會四十二年
又至革除三十四年則是一限滿二十八交於泰否
矣易之象圖變化屢有遷移而久畫歲時確難增損
圖圖體卦凡三十一限而交乾坤始於己未者極於
癸卯始於壬戌者究於丙午皆去龍飛差五三載以
甲子乘之則整整二千八十五年不與時刻是甲子
亦為一元之候也凡元不必遠溯洪荒但取其入厯
之首便於推除亦自易簡如是圖以七十五年二百
六十五為限凡二十七限始於桓王之甲子究於泰
定帝之丁卯丁卯距戊申四十二年不盈一限屆於
革除三十四載以春秋除之得洪建之交際是又一
驗也但以己未起限則幽王己未尚未免喪坤際只
得六十年是以移闕達之首會抵析木之興年進混

一之會朝謝稱吳之或雖各有所取不為誕也必欲
隆其後際邁於三籌則月卦相乘之數尚贏六百六
十四年管蠡圭繩无當於天海耳然則春秋立元可
移其際者歟曰是猶之測表也得其泛畧則其真
畧乃著春秋以前文獻不徵如幽王十一年間既立
宜曰又立伯服年候多疑聖人既以己未立元則已
未起坤亦是正法既以己未起坤則二十七限之盡
二千四十三年三百三十七日當至治壬戌十月元
興又三十年而過密象泰不失則前後表畧器可推
矣故以甲子壬戌較春秋之元非
非以甲子壬戌移春秋之位也

然則桓王甲子可遂移於坤端乎曰是雖典要但以
聖人取裁不取人初而取物始末為失也以甲子為
坤端則威烈王值隨蠱之中年周室兩分桐封鼎割
與體卦之泰合是皆交卦也漢惠呂氏當坎之初會

是正體卦也漢安漢獻當萃革之際是易之變象也
自萃而下革漸巽中孚未濟皆亂也凡易之災限二
十有八變象亦與焉乾坤坎離頤大過中孚小過是
八反復也隨蠱漸歸妹兩濟否泰是八交卦也萃升
夬姤剥復鼎革是八變象也巽兌震艮是四立卦也
四千三百八十年之中未有死故而當此位者也唐
元宗之當艮亦以立子與萃相值唐懿宗之當始下
有五主宋理宗之不復則貞於剥者也然則咸恒不
為災限輿曰咸恒與乾坤兩濟易位者也然則是三
十限也徵欽之值咸恒懷愍之值漸歸天地之大咎
也然則咸恒災而損益不災何也曰易有三重德不
勝位位不勝時損益而後始夬升萃繼之矣故曰損
益盛衰之始也章節積閏即為下國七十二
限體用兼乘之數以不書歷年別於後篇

用合數通曆之歷六千二百二十年餘二百八十八日較歲實之積尚多八十九年一百七日若退還大小餘之數則猶然歲實六千一百三十二歲歷也四分圖象每際一千五百三十三約畧虞夏亦交於兩濟之中往者旡徵視於近代如隋唐之交開皇元年己酉明年庚戌八未濟限凡三十八年為貞觀元年自三代以還興朝之主未有賢於太宗者又三十八年乃入中孚中孚之中為武曌大足自媧皇以往經怪之事未有異於武曌者也又前三十八年中於小過梁元帝繹乃立戎服以講佛老賦詠而臨危殪亡國之主未有賢於元帝者也故六十四限之行兼體者兩濟之初在晉恭帝己未元年改姓易物其中三十五年為太子劼弒立自古今逆子未有先於太子劼者也其先三十八年壬午秦兵南代秦未敗於淝水古今中國之破北亦未有盛於淝水者也至如坎離之當周赧九鼎既遷過頤之值宋徽光於前

晉六十四限之中特明數義其餘可得而裁也是圖
頤坎當於秦呂離過變其華鼎當李劉之革故升
出陳橋之不虞從南數之升當漢順永建而後元黃
交戰諸賢與七帝共隕於陰陽鼎自曹魏九錫而來
吳蜀峙分典午與當塗共蹶其龍馬且如小過中會
正三十八年泰清己巳侯景之破都城剝復北政亦
三十四年趙魏交爭齊泰之致兩帝此皆灼然易見
食於交中非可遷移附會是以兩圖特挾此秘至如
周商以前无徵不信存而不論可也


國積實與七十二限兼乘者差數既殊限分亦異而其起於周中究於元末交燕飛之初年空龍聚之前歲則一也惟兼乘圖末餘四限三百二歲有餘是圖末餘六限五百一十一歲故以五百一十一歲為文象之定準以二千二百一十為全體之中交以宣王甲午歲除八十五年五十八日入春秋元為剛柔難生之始以元英宗末年癸亥南坡變故至永樂元年金川撥亂為坎離分射之終以較前圖兼乘之限甲子屯元至順起報王之戊戌咸起惠帝之癸丑既濟始於末晉己未明年帝廢為震陵王小過始於齊明甲戌是年廢昭紫又廢昭文兒始於陳宣己丑先一年廢齊主為臨海王故廢立之事未有詳於前圖者也其從需求來者中孚之中為晉簡文辛未桓溫之廢東海未濟之中為宋武帝甲午義宣之討劭濟縣是而觀前圖之始於屯需周桓甲子不為降矣是圖屯需猶用春秋元而順當始皇庚寅明年辛卯崩於沙

邱離當元英宋末年癸亥是秋南坡戕於坎大
過之視兩限猶之頤離也宋明帝辛亥入中孚其中
交辛巳今年廢東昏明年廢巴陵而蕭齊改號梁敬
帝丙子入未濟梁社已遷其中交巳酉韓賀諸將遂
取江南方是南北分際有魏周今主秦燕亂臣一盛
一衰蠅蟻羹沸自謂仰應星文俯販孔厚未暇察其
始終剖其中際也是圖厯年已濶則間有包荒然如
北際從需求來者晉惠帝辛酉始交於漸不十餘年兩
主北狩應歸妹之期南際從屯來者唐昭宗丁巳始
交於鼎不十年朱溫稱帝昌取新之會歸妹之中三
十年間王蘇再亂慕容石趙盡割中原使五缺餘氛
流播五代鼎革之中三十年間厚珂相殄石晉契丹
漸中父子使趙宋土地盡入北方此皆古今之巨創
通其一緒可別千條者也前圖之貴者在宋徽元年
初入大過及中限而播越於明溫後圖之貴者在晉
懷六年初入小過不二年而淪夷於缺鈴兩朝之

怪在二過之中至如呂后之當盡武曌之當始黃初
之當離後五代之當鼎則六十四體運著之詳矣是
圖於漢室五主唐宋八宗或衰之候多不及治而吳
兌震艮六子方興疆臣寇賊奸挾其上晉自孝武前
後張方王敦蘇峻桓元孫恩之流皆陵逼乘輿蹈藉
都邑唐自憲宗前後朱泚李懷光希烈裴甫王仙芝
黃巢之流亦皆震驚宮闕騷動天下合於秦皇秦定
坎離交併則六子之用是圖又為兼該總以一年之
治皆在二至二分四立君子靜定以觀陰陽之爭推
於百世大率猶是或疑其煩碎彼此重沓而總約前
後不過體用專乘兼乘六圖而已歲實通基所差不
過一歲積之極差不踰本限七八十年上下不為繁
也

七十二限行體卦自乘歷年衡圖第十

是行通基也以七十二行六十四以六十四行七十二歲實之積通行四千八百四十四年餘二百五十日中分兩除各二千四百二十二年餘一百二十七日春秋所約歲也



通基之積每限各行六十八年九十六日積實四千九百十五年七十二日中分二千四百五十七年二百十六日比之歲實積數差贏三十五年八十四日二圖相兼而行之也上圖以六十四行七十二據歲實為數得四千八百四十四餘二百五十四日則其以七十二行六十四者所得歲實亦若是矣此圖以

七十二行六十四據通碁為數得四千九百十五年
七十二日則其以六十四行七十二者所得通碁亦
若是矣通碁從著歲實從爻爻著相從各配日月是
通碁從幽王已未前年為始者以幽庚申至桓甲子
僅六十五年欲通前際耳其實幽王已未至洪武戊
申二千一百五十年以三十四年足之而半周易際
即不用三十四年但以三十二乘體卦之歲實與二
十八乘用卦之通碁而至於缺元顛隲之期則一也
以三十二乘體卦歲實為二千一百五十三以二十
八乘用卦通碁為二千一百五十總之春秋範圍二
千四十八內藏四十二為潛確之端外顯三十五為
飛亢之極上泝幽平皆可不問也凡圖值數年更革
者皆可屈指乘除不必別為辭費而一事更端爻象
屢易何也曰是各自為義也通碁之不可為歲實體
經之不可為用緯觀玩既熟則諸圖亦自可廢也然
則用圖歲歷亦可移桓入幽歟曰凡論易歷自以春


秋為本論年次自以定序為候隱元之外有幽平桓
甲猶定位之外有衛倚國交參之則理核伍之則數
通欲膠一端則異說滋競矣即如是國周敬王之當
盡正值交中周赧秦政之當頤坎再逢反復漢臺晉
魏併在歸兌孚濟小過之中有宋興衰只在咸坎頤
剝之際是與諸國不相遠也曰是周之狎矣然而陳
隋之間不值災卦缺元之應不入凶象何也曰世亂
多而治少七十二卦之中其災者三十而已人道得
失天道優懲盛極則舒
遲久而奮何可齊也

然則四卦歸餘之說何也曰歲實之周三十二則厯
年二千一百五十三其餘四限二百六十八年餘四
百二十日通曆之周三十二則厯年二千一百八十
四半其餘四限二百七十三又二十四日此體用兩
限在六十四之內也歲實之合歸餘二千四百二十
二餘一百三十二日通曆之合歸餘二千四百五十

七餘二百一十六日以是推於七十二運歲實之周
二十八則歷年二千一百一十九其餘四限三百有
三年而與體用兩限會於六十四運之內各得二千
四百二十二年餘日一百三十二而歲實之周始中
此自幽元究於廓清而贏後限者也通蔀之周二十
八則歷年二千一百五十其餘四限三百有七年而
與體用兩限會於六十四運之內各得二千四百五
十七年餘日二百一十六而通蔀之周始中此自幽
元究於靖難而贏後限者也故廓清之後限二百六
十九年五十五日合於三百二年二百九十四日者
拆之為二百八十六年弱靖難之後限二百七十三
合於三百七年七十二日者拆之為二百九十強此
古今兩積之通會四卦歸餘之統緒也合前圖相乘
相乘之數極深研幾則百世可知思近半矣

七十二卦反對體用定閏圖第十一

是即六十四限用卦專乘之圖也與七十二限體用兼乘之數不差毫末各得五千五百二十九以古法章節分之凡得二十四紀七十二節二百九十一章外餘乾策二百一十斷章為元



凡章法十九歲得七閏月四章七十六歲為薨體用兼柔之歲七十六即章部也外有餘日二百八十八以七十二乘之為二萬七百三十六以通基積之得歲五十七斷為三章凡七十二薨合得二百八十八章以三章足之為二百九十一章雖外餘乾策不盡立元而二十四紀七十二薨之義整於是矣三章積日於每八紀之下輒益一章於二十四紀之下

益三章蓋章法自然非有增損也餘乾策三十周得
十八歲明年起元凡四十九萬七千六百一十年而
章日益盡合於元始古人所用十九歲為章者以每
日萬分一月三十日吐出四千三百六十九分以十
三乘之得五萬六千七百九十七為五日六分七釐
九毫七絲一歲三百六十日尚餘氣分亦長四千三
百六十九以十二乘之得五萬二千四百二十八為
五日二分四釐二毫八絲合得十日九分二釐二毫
五絲每十九年得二百七十五分三釐七毫五絲分
為七閏微贏酌於易差去九為四千三百六十則盈
虛兩際又減去二百二十五每歲定餘十日九分以
二釐二毫五絲為朔氣升降之候積八歲得八十七
日三分七釐二毫為三閏月微縮贏縮之端積於秒
忽在一日之內者可舉而合也然則是通曆之厯也
通曆三百六十內外贏縮通得十日九分二釐二毫
五絲今不舉實積則此五日二分四釐二毫八絲者

安所從取之曰即於歲實中取之歲實體用兼乘之數五千四百五十年所贏歲餘之數與所乏月虛之數合得三萬一千二百三十八日強其取之通算與還之歲實一也然則此外餘日何以消之曰消之置分也如兩積餘分其得二百六十日實於五千五百分三十年之內一歲所消不過四釐六毫強而盡矣故易之所積皆於秒忽也然則三乘之積通算加數皆於本限轉積轉強何也曰起於餘日體數之差不及一年多者至五十年五十七年故非復限數所能劑也然則六十四限行用卦專乘之數其盈虛章節亦與七十二限體用兼乘者同歟曰是所謂同同者也皆為五千五百二十九歲則章節皆齊但其餘日二百十六於乾策減十則其消分愈微故又以兩限歲法章節附圖於後

日法萬
辰法四千三百六十九〇六釐六毫六絲

月法二十九萬五千六百三十一
交還三百六十四〇八釐九毫九絲

十二還四千三百六十九〇六六
積實二十九萬五千六百三十一
三三

交還四千二百六十九〇六六
十三還五萬六千七百九十七

月虛五萬六千七百九十七
歲法三百六十萬

交進四千三百六十九〇六六
十二進五萬二千四百二十八一分三三三

歲實五萬二千四百二十八
合閏十萬九千二百二十七

泛差二百二十七
章歲十九

章閏七
十歲閏積一百九萬二千二百七十

九歲閏積九十八萬一千
七閏二百六萬九千四百一十七

去泛差四分三釐六毫九絲六忽

三章為節

節歲五十七

紀法四節

紀歲二百二十八

四章三節通用

通紀二十四

節法九十六

章法二百八十八

外餘一節

節法九十七

章法二百九十一


章歲五千五百二十九

餘二百一十六日約於每歲消三釐九毫五忽則與

泛差同沒矣其餘
進還畧見前編

七十二卦反對積實歷年圖第十二

積實之卦以七十二乘七十二得五千一百八十四
 以六乘之卦以三萬一千二百有四百以歲法積之為八十
 五年餘六十日八分一釐以七十二乘之為
 為六千一百三十二年為五精選元之會



中分實積之歲三千六十六年以六約之各五百一
 十有一凡五精極數三千二十有五合之為六千五
 十又以一歲裨益歲餘之弱分凡六千五十一歲外
 除八十一是經緯出符之統歸也每六運八十五年
 六十日八分強為五百一十一歲而聖人問出天地
 易運雖霸王殊造而萬物更睹先後不違精物之合

無復餘分如春秋己未至呂秦己丑明年庚寅入限
又明年秦皇崩於沙邱壬辰漢祖起於沛上癸巳沛
公伐秦以桓王壬戌撥之正除五百一十一年是一
興會也又一興會為典午癸亥五王亂晉張方掠維
陽劉淵奮於北塞稱元熙元年又一興會而衰矣蔡
州已平河北自歸而聖人不出亦一治也天地精竭
而亂繼之矣又一興會元癸亥採刃泰定承
祧而主互信真人始命故天生聖人之難也凡四興
會僅乃一值既值而又遲久之必以平王辛未東遷
為始則一興會而靈武正位又一興會而曲午自樹
又一興會而靈武正位又一興會而德祐嚙壁天道
之畫一觀如玉尺也折而半之敬王乙酉入于城周
魯侯甲申次于齊陽漢哀丁巳匏山石立不出四年
白雉頌新魏梁戊子南北梵風鄒魯遺風殲然殄矣
宋宗己未實闢文教天聖之元為諸儒先故君師之
隆替治亂之倚伏各有其候聖人不能強也聖人能

因而扶之取其顛危示以安全如此而已至如懷愍
北狩立於史卦之中徽欽蒙塵交於歸妹之內天水
運終在升卦之末年武韋楊聚包未濟之中造雖有
聖賢不察其端未能遽起而謀之也然則時政代謝
主柎之間可得而齊歟曰猶春秋之於隱桓也約四
五年間差池一周然而聖人不貴也自東遷以來
運革際莊王丙申次於庚子而釐王代之定簡之間
年不可稽丙戌之運敬朝始競考王辛亥次於丙辰
而成烈王伐之顯王丙子數稍蟬聯赧王壬寅曾不
十年而陽人羈居五鼎淪夷此六紀者其代謝皆在
十年五年之內者也自西秦而後一運革際動如柎
鼓漢文丁卯雖差六年距呂后辛酉亦在五載之內
征和壬辰後元之間而武昭嗣起建平丁巳先後四
五年而成哀適喪以啟紫閣章帝戊子先後七年衷
於壬午暨於丁未李杜下獄而延熹延駕奪鑒之沴
不出一年晉魏之間運當癸酉吳主朝薨魏芳夕廢

影響言報不喻其捷此六紀者其代謝皆在五六年或一二年之內者也典午而後戊戌之先石虎建號咸康餘厯亦有五年劉宋癸亥明年甲子即為元嘉天監元年之距戊子不過七載開皇癸丑之距己酉亦復五年而姓物咸更玉步先改上元戊寅先五年甲戌而天后臨斬後五年癸未而天皇殂落代宗甲辰之先一年李輔國亂於宮闈後一年始改元永泰此六紀者其代謝皆在五年之內或一二年上下者也大原一姓界於兩會宣宗己巳先天三年益半運而入於朱梁後唐甲午從厚從珂二主分壁而石晉生心漢周微矣祥符己未天書未災而乾興壬戌山陵已就崇寧甲申之歲即在建中靖國之餘上距紹聖不能五載下距靖康二十五年而懷愍維陽復見於汴孝宗己酉明年庚戌即為紹熙恭宗乙亥明年丙子即稱瀛國是皆微乎微乎不逮白版之尊有慙南國之號約其代謝此六紀者亦遲取券於四年近

克應於二載絲是而推天運少革主柄代謝入歷之
限不為遠也其非入限者勤逸之報憂樂之反或十
數年或五七年或四三年姬公有言亦聽于茲豎而
已然則所謂五精極微三千二千有五何也曰以河
圖之數乘河圖五十有五乘五十有五即其數也土
德十五其得河圖者八百二十五周人用之金德九
四七一百一十五漢人分用之木德八三六有五百
人分用之火德四百九十五唐人分用之水德三百
八十五晉人分用之其分用之何也曰精氣旁行而
卦數不改精氣三千二十五卦氣二千一百五十三
故以雜書之數通損河圖金德去雜書者六六其四
十五二百有七十餘金四百四十五散其閏餘漢人
用之木德去雜書者六六其四十五二百七十餘木
三百三十五散其閏餘宋人用之火德去雜書者五
五其四十五二百二十五餘火二百七十散其閏餘
唐人用之水德去雜書者五五其四十五二百二十

五餘水一百六十散其間餘晉人用之故五六之間
天地之所藏用也著法之交雒書進運五六之間則
亦猶是矣閏餘所存或多或乏漢人存五之一唐人
存四之一宋人存三之一金水火木相涵為用而土
德包之無所進運是周人之大也故卦氣之與精氣
兩者相為包舉也然則七十二用之卦實歷中分三
千六十六年五精縮行退於體卦何以齊之曰體卦
實歷二千一百八十四年再行土德八百二十五年
而與全歷相會宇宙之間四精所藏皆土而已水土
相襲氣存其中故六千一百三十二年之中土德所
存三千三百不為夥也然則體用相涵乘積互起可
著圖象者當得幾何曰體用相涵可為典要不過體
卦數圖而已等而差之三乘之積各有三起四以別
之為十二圖如原圖四千九十六以又準曰得六十
七八年上下此一起義文所研精以六十四乘之通
暮歲實各為二等以七十二乘之通暮歲實亦各為

二等之者四千三百有六贏者四千九百一十五此
四圖也又如體用相經四千六百有八以爻準日得
七十五六年上下此一起興革之大會以六十四
乘之通蓍歲實各為二等以七十二乘之通蓍歲實
各亦二等近者四千八百四十四遠者五千五百二
十九此四圖也又如用自經用五千一百八十四以
爻準日得八十五六年年上下此一起往來藏知雜卦
所為反應以六十四乘之通蓍歲實各為二等以七
十二乘之通蓍歲實亦各二等近者五千四百四十
遠者 千二百二十年此四圖也差等不同凡十二
圖益易圖各三乘以體經體以用經用以體用互相
經各以六十四七十二運之各有歲實通蓍之別則
一起四別四三十二其大槩也凡卦自二千一百二
十五以外上推往古下測來茲皆以雜卦反應為義
乃知百六陽九之為誕文
三統大衍之為剽說也

易九疋曰初入元百六陽九次三百七十四陰九次
四百八十陽九次七百二十陰七次七百二十陽七
次六百陰五次六百陽五次四百八十陰三次四百
八十陽三凡四千六百一十七歲與一元終經歲四
千五百六十災歲五十七其法蓋以十九歲為章以
二百四十三乘之除二百四十章得四千五百六十
歲有五萬六千四百月謂之經歲其餘三章得五十
七歲有七百單五月以八十一分之九八七十二得
七百二十九月除二十四月在災限之外內七百五
月謂之災月災月即災歲也此亦春秋之法而分析
乖離春秋以上之書不復可徵則不如是六圖之為
整暇也

三統序曰易三微而成著三著而成象十八變而成
卦四營成易為七十二參之得乾之策以陽九九之
為六百四十八兩之得坤之策以陰六六之為四百
三十二陰陽各卦之細微策也八之為八千六百四

十而八卦小成引而伸之又八萬六萬九千一百二十倍之為十三萬八千二百四十為大成五星會終觸類而長之以乘章歲為二百六十二萬六千五百六十而與日月會三會為七百八十七萬九千六百八十而與三統會三統二千三百六十三萬九千四十而復於太極是非不詳悉明著也然易之為道語著則太絀語久則太盈專以七十二乘九六四三求之則曲折細微皆不能合雖章月不爽而積久自差春秋距今二千三百六十餘年已渺望難晰又推於上古數萬之前知遠道之罔居荒因之莫契也大衍序曰天地中積千有二百揲之以四為爻率三百以十位乘之為二章之積三千以五材乘八象為二微之積四十兼章微之積則氣朔之分母也以三極乘之倍六位除之凡七百六十是為辰法而齊於代軌以十位乘之倍大衍除之凡三百有四是為刻法齊于德運半氣朔之母千五百二十得天地出符

之數因而三之凡四千五百六十當七精還初之會
也是說亦本於太初三統無甚刻至者特以生成之
數相乘各六百以十五四十五相起耳其論章節曰
一策之分十九而章法生一揲之分七十六而節法
生一節之日二萬七千七百五十七而氣朔定以通
數約之凡二十九日餘四百九十九而日月相及此
六爻之紀也以卦當歲以爻當月以策當日凡三十
二歲而小終二百八十八而大終又日策以紀日象
以紀月故乾坤之策三百六十為日度之準乾坤之
用四十九象為月弦之簡日之一度不盈全策月之
一弦不盈全用故策餘萬五千九百四十三則十有
二中所盈也用差萬七千一百二十四則十有二朔
所虛也綜盈虛之數五歲再閏中節相距皆當三五
弦望相距皆當二七升降之應發斂之候皆紀之以
策而從日者也其法蓋以三千四十為日策三百有
四為策分一歲氣盈五日二分四釐四毫四絲得一

萬五千九百四十三一歲朔虛五日六分三釐三毫
三絲得一萬七千一百二十四合得十日八分七釐
七毫七絲為閏餘之實所謂半氣朔之分母因而三
之出於此也是於著法亦畧有參究然天地生著聖
人撰之兩篇之策萬一千五百二十以又當月以策
當日每又三十策每月三十日日月之交恒於九百
四十分之四百九十九約當二十九日五分三釐三
毫三絲則一月之內當吐出四分六釐六毫六絲三
百八十四月當吐出一百七十六日半兩周之吐三
百五十三日強凡六十三年而吐二十四月於數有
過之而於法則未之有過也大約一歲三百六十五
日四分之合一合用一萬七百八十七策八釐七毫三
絲所吐七百三十三於日法兩年之間盈二策有半
即閏餘十日九分之中微縮所積之數也古法以又
當月故數遠而難稽今法以又當日故近差而易覺
繇是以推三千四百三十三百有四皆不得為日分月分

自當以二十九日五分三釐三毫為準曰分自當以二十九策五分三釐三毫為實不得牽七精之虛文索二曜之實緯也學者詳察又象靜觀著法通變成文極數定象則酬酢祐神之義可得而言矣然則易之道遂盡於此乎曰何為其盡於此也六十四象者先王君后變化擬議蓋數千年未有涯際也至於精義入神默存成信洗心退藏象先又始則雖鬼神未之或知焉耳

然則易說圖序之雜何也曰易者錯綜極賾之書不可厭亂舉一知十古人所難循隅反三今人未譬如復守其一端膠於曲說猶見太白不知歲鎮之高察辰星不悟熒惑之變愈以撓其仰瞻增其眩瞀矣初卷廿四國均測日月畧參歷數其七政之行與三經終始備洞璣中不在是編

附歷年積限圖
體卦四圖

體卦自相乘四千九十六

六又二萬四千五百七十六
歲實六十七年餘一百五日

通基六十八年餘九十六日
六十四限

歲實積四千三百六十餘日一百九十七
通基積四千三百六十九年餘日二十四

七十二限
歲實四千八百四十四年餘日二百三十

通基四千九百一十
五年餘日七十二

體用互相乘四千六百有八

六又二萬七千六百四十八
歲實七十五年餘二百五十四日二分五釐

通碁七十六年餘二百八十八日
六十四限

歲實積四千八百四十四餘日一百三十
通碁積四千九百一十五餘日七十二

七十二限
歲實積五千四百五十 餘日四十四

通碁積五千五百二十
九餘日二百一十六

用卦自相乘五千一百八十四

六爻三萬一千一百四
歲實八十五年餘五十八日

通碁八十六年餘一百四十四日
六十四限

歲實積五千四百四十餘日六十
通碁積五千五百二十九餘日二百一十六

七十二限

歲實積六千一百三十二餘日九十一

通算積六千一百九十六餘日二百八十八

以上三差十二圖不盡在圖說中蓋自二千一百八

十四年藏知有據
其餘可以例起也



易象正卷初下